

COMMUNICAZIUN A LAS MEDIAS

pro infirmis

In project da Pro Infirmis Grischun

Ils Fäaschtbänkler gudognan il premi dal public

Pro Infirmis Grischun ha lantschà per la segunda giada la concorrenza da musica "La musica na differenziescha betg – la musica collia". Dudesch videos da musica èn vegnids inoltrads e publitzads sin la plattafurma www.musik-unterscheidet-nicht.ch. Dal 1-9-2019 fin ils 31-10-2019 ha il public pudì vuschar per ses video preferì. Cun passa 4'000 vuschs han ils Fäaschtbänkler gudagnà la simpatia dal public cun in arranschament realisà ensemen cun ils SunSingers da la Val dal Rain.

Ils tocs inoltrads per la concorrenza da musica cumpiglian ina vasta paletta da stils musicals e qualitads. La repartiziun da las vuschs dal public mussa che betg mo la represchentaziun è stada decisiva per il success. Er ina buna rait da fans e la reclama per l'agen titel èn stads criteris fitg impurtants. Per la concorrenza da musica www.musik-unterscheidet-nicht.ch èn ils Fäaschtbänkler sa reunids cun ils SunSingers dad insieme Val dal Rain ed han chargià la chanzun "Walterli" en la rait. Il plaschair da viver e da far musica s'exprima nunfiltradamain en il video da musica. Passa 40 personas participadas dattan tut sin tribuna - saja quai cun u senza handicap. Ils SunSingers èn vegnids sustegnids instrumentalmain e vocalmain dals Fäaschtbänkler ed han creà uschia in sound incumparabel. Betg da smirvegliar che tants fans han vuschà per il nov hit dals Fäaschtbänkler.

Il voting dal public è ussa terminà. Per la surdada dal premi Cristal vegnan tut ils 12 videos da musica valitads d'ina giuria. Quella sa cumpona da personalitads da la politica, economia e cultura ed elegia ulteriurs trais videos victurs. Sper la reconuschienscha publica survegnan las gruppas rangadas sin ils emprims trais plazs premis en daner contant ed il victur principal gudogna il Cristal da Pro Infirmis 2019.

La surdada dal Cristal da Pro Infirmis è publica ed ha lieu ils 27 da november 2019 a las 17.30 en l'auditori da la Banca Chantunala Grischuna a Cuir. Infurmaziuns ed annunzias a Pro Infirmis Grischun, Engadinstrasse 2, 7000 Cuir. Telefon 058 775 17 17 u e-mail graubuenden@proinfirmis.ch.


Cuir, ils 5 da november 2019

Partneris principals



KLANG + STARK

Ulteriurs sponsurs



DENK AN MICH

